

## Mikel Schreuders ta haya premio Most Valuable Male Swimmer



**ORANJESTAD** - Recientemente e atleta elite di landamento Mikel Schreuders, a logra e premio como Most Valuable Male Swimmer pa su team Mizzou.

Esaki tabata un momento historico pa e landado Arubano residencia na Merca, ora cu el a wordo reconoci

pa su scol University of Missouri como e miho landado pa su team Mizzou. Esaki ta segun e fuente 297Sports.

Mikel Schreuders ta conta nos cu el a conoce un tremendo temporada di landamento cu su team Mizzou. Na november 2017, el a



logra clasifica pa e National Swimming Championship cu tabata na maart ultimo na Minnesota. Na februari,

Mikel a landa den tremendo forma den e SEC Championship unda e ta logra medaya di Plata den e 800m free

relay y un medaya di Brons den e 200m free y un di 7 luga den e 100m free.